

Hazaña di aña 1988

LAMAR ENTRE ARUBA Y VENEZUELA A WORDE DOMINA LANDANDO

Na dos ocasion na 1988 vista tabata dirigi directamente ariba loke ta pasa den lamar entre Aruba y Venezuela. Roly Bislik dia 7 di Augustus a logra cruza e lamar landando di Venezuela pa Aruba, mientras cu Kenneth Croes a cubri e trayecto landando di Aruba pa Venezuela, pero no a logra alcanza costa di Venezuela completamente.

E acontecimentonan aki a haya hopi atencion na Aruba y na Venezuela. E dos atletanan a demostra nan capacidad landando dilanti costa di Aruba, caminda Roly Bislik a kibra record, curbiendo e trayecto Seroe Colorado pa Playa Linda, esta 30 km., den 8 hora y mey.

Dia 7 di Augustus un gran cantidad di yate a acompaña Roly, mientras e tabata landa pa cruza e lamar. Mientras e tabata realiza e hazaña, fondonan tabata worde recauda pa construi un piscina na Savaneta, cu tabata e obhetivo di Roly Bislik, cu 10 hora y 28 minuut despues cu el a sali di Venezuela a subi tera na Aruba.

Dia 27 di Augustus Kenneth Croes a sali for di Aruba pa landa bay Venezuela. Kenneth Croes a dirigi su hazaña contra droga. Kenneth Croes no a logra alcanza e costa Venezolano manera el a planea y ora anochi a cuminsa cera y

Sigui lesa pag. 17

ROLY BISLIK




KENNETH CROES

ainda e tabata falta algun a yega Venezuela, nan a subir kilometer pa bay promer cu el a bordo di un boto.



Problemanan cu comunicacion pasa ratonan di suspenso Venezuela, caminda tabata tin a cuminsa loke a haci cu nan a promer cu nan a yega celebracion.

SAVANETA TA HAYA SU PISCINA



Na momento, cu el a anuncia cu e tin intencion di bay trata di cruza e lamar entre Aruba y Venezuela landando, Roly Bislik a anuncia cu e hazaña mester yude recauda fondo pa un piscina publico na Savaneta.

Roly maestro den deporte y persona cu a siña hopi persona landa na Aruba, a pone e obhetivo su dilanti. Mientras e tabata landa pa Aruba un teleton a desaroya pa asina recauda fondo pa e piscina. Otro actividadnan a continua durante 1988 y na December a yega e momento cu Savaneta por a conta cu su piscina lo bay bira realidad.

Roly Bislik tabata presente ora nan a cuminsa haci e tereno limpi pa un dia un piscina keda construi na Savaneta, caminda muchanan por siña landa y domina olanan.

